

Powšitkowne WOZJEWJENJA

njedźelu, 23. decembra 2012

Poswjećenje noweho wopomnišća za zbóžneho martrarja Alojsa Andrickeho w Radworju

Emeritowany swjećacy biskop Jurij Weinholt poswjeći srjedu, na swjedenju swjateho martrarja Ščěpana, 26. decembra, w 16 hodź. nowe wopomnišćo za zbóžneho martrarja Alojsa Andrickeho w Radworskej cyrkwi. Wšitcy z bliska a daloka su wutrobnje do Radworja přeprašeni.

Koparski turněr wo pokal TCM

Towarstwo Cyrila a Metoda z.t. (TCM) zarjadowuje sobotu, 5. januara, w 13 hodź. w Chróšćanskej „Jednoće“ halowy koparski turněr wo pokal TCM. Přeprašene su wosadne a wjesne mustwa młodžiny. Kóždy mustwo měło z wosom hrajerjemi nastupić. Hrać budže so z třomi koparjami a jednym wrotarjom. Přizjewić měli so mustwa hač do soboty, 29. decembra, pola předsydy TCM, Jurja Špitanka, telefonowe čisło (03 57 96) 9 63 47.

Oratorij „Zyma“ zaklinči w Njebjelčicach

Chór a orchester Serbskeho ludoweho ansambla (SLA), Radworski chór Meja kaž tež solisća pod nawodom Gabriela Doná předstaja sobotu, 29. decembra, w 16 hodź. oratorij „Zyma“ w Njebjelčanskej cyrkwi. Tuta twórba je posledni džěl cyklusa „Počasy“ z pjera Handrija Zejleryja a Korle Awgusta Kocora. „Zyma“ zaklinči, kaž hižo loni w Radworju, po instrumentalnym wobdźělanju Christiana Kabitza. Solistiske džěle přewozmu Elmira Jakina, Tanja Donatec, Peter Diepschlag a Ferdinand Liebenberg. Za wudawki koncerta přewjedže so při durjach zběrka. Wšitcy z bliska a daloka su wutrobnje přeprašeni.

Hodowny nyšpor

Chór Lipa wuhotuje njedźelu, 30. hodownika, w 17 hodź. w Róžeńčanskej cyrkwi swój tradicionelny beneficny nyšpor. Zaklinča mjez druhim nowe serbske, česke a laćonske chórowe kaž tež instrumentalne twórbje. Zběrka při durjach budže za hnadownu cyrkej. Wšitcy lubowarjo hodownych zynkow su lubje přeprašeni.

Meditaciski koncert silwester w Baćonju

Z hudźbu a spěwom, z modlenjom a rozpominanjom chcemy lěto Knjezowe 2012 w zmysle „Wšo w Božim mjenje spočinam, a w Božim mjenje dočinjam“ zakónčić. K tomu přeprašujemy wšitkich wutrobnje na meditaciski koncert póndźelu, 31. hodownika, w 19 hodź. do Baćońskeje cyrkwe. Hudźbne wuhotowanje stej zaso Hanka a Weronika Smolic přewzałoj. Baćońska wosada

Hodownej koncertaj w Radworju

Swoj tradicionelny hodowny koncert wuhotuje chór Meja sobotu, 5. januara, dwójce w Radworskim hosćencu „Meja“. Młody gitarist Józef Brězan ze Smječek a Radworska wosadna šola program pod hesłom „Doma, doma rjenje je“ sobu wuhotuja. Přeni koncert w swětle swěčkow budže w 15.30 hodź. Swačina so wot 15 hodź. poskići. Dalši koncert wuhotuje so w 19 hodź. Přizamknu so reje z „Dr. Taste“. Wšitcy su wutrobnje do Radworja přeprašeni.

Hodowny koncert w Chróścicach

Tradicionalny hodowny koncert Chróścianskeho cyrkwinskeho chóra z instrumentalistami a solistami wotměje so njedźelu, 6. januara, w 14 hodź. w tamnišej wosadneje cyrkwi. W swoim programje zanjese spěwarki a spěwarjo mjez druhim Pastoralnu mšu českeho komponista Jakuba Jana Ryby.

Pytaja młodžinskeho referenta

Za dekanatne dušepastyrstwo młodžiny we Worklecach ma so 1. februara referent respektiwne referentka ze socialnopedagogiskej abo teologiskej kwalifikaciju přistajić. Wuměnenja su kompjuterowe znajomosće, wobknježenje serbskeje rěče a přezjednosć z nadawkom, službu a žiwjenjom katolskeje cyrkwe. Džělowe městno je w Don Boskowym domje we Worklecach. Zrěčenje je na dvě lěće wobmjezowane.

Džělowy wobłuk wobsahuje podpěru katolskeho młodžinskeho dušepastyrstwa a młodžinskeho džěla w Budyskim wobłuku, podpěru katolskeho wotewrjeneho młodžinskeho džěla tuteje kónčiny, džělo z kružkom pomocnikow, z druhimi čestnohamtskimi skupinami a katolskimi młodžinskimi zwjazkami kónčiny, zastupnistwo katolskeje młodžiny we wšelakich zjawnych gremijach a rjadowanje financow.

Pisomne požadanja přijimuje hač do wutory, 15. januara, biskopski ordinariat, wotrad młodžinska pastoralka, Käthe-Kollwitz-Ufer 84, 01309 Drježdžany abo z mailku na jugendseelsorge@ordinariat-dresden.de.

Na swětowe zetkanje do Rio de Janeiro

Hišće hač do 15. januara 2013 móža so młodostni, kotřich chcedža so na klětuše swětowe zetkanje młodžiny do Brazilskeje podać, přizjewić. Serbscy młodostni móža so w skupinje Drježdžansko-Mišnjanskeho biskopstwa wobdžělić. Wona wotleći 14. julija a wróći so 30. julija. Nadrobniše informacije su pod www.kathjusa.de/wjt2013 wozjewjene. Swětowe zetkanje młodžiny wotměje so w Rio de Janeiro.